



## Saksframlegg

Sakshandsamar:	Rådmannen	Jo Bjarte Tømmerbakke
	Saksnr.: 21/98	Klassering:

### Avtale om administrativt vertskommunesamarbeid - Nordhordland legevakt

Rådmannen sitt framlegg til vedtak:

Kommunestyret i Modalen vedtek «Avtale om administrativt vertskommunesamarbeid – Nordhordland legevakt» slik den ligg føre.

Saksopplysningar:

#### Bakgrunn

Alver kommune har overtatt Lindås kommune sitt vertskommuneansvar etter kommunesamanslåing mellom Lindås, Radøy og Meland frå 2020. Før årsskiftet i 2020 sa Fedje kommune opp avtalen og gjekk ut av samarbeidet om legevakt og øyeblikkeleg hjelp døgnseger frå 1.januar 2022. Dei vil frå 2022 berre vera tilknytt legevaktsentralen (116 117).

Hausten 2020 vart det starta opp eit prosjekt der formålet med prosjektet var å sikre ei organisering med medisinsk forsvarlege tenester innanfor kommunane sine økonomiske rammer. Prosjektgruppa var samansett av fungerande legevaktsjef, fagsjukepleiar legevakt, kommunalsjef frå samarbeidskommunane og hovudtillitsvald. Prosjektet vart leia av tenesteleiar for lege- og rehabiliteringstenester. Referansegruppe var fagråd for kommuneoverlegar, tilsette ved Nordhordland legevakt, administrativ nemnd for NHLV, rådmennene og kommunalsjefar i samarbeidskommunane. Prosjektet sin konseptfase er no avslutta og det vert gjennomført ei risiko- og sårbarheitsanalyse (teneste-ROS) ved legevakta. I samband med dette vert det gjort vurdering av om tenestene er fagleg forsvarleg. På bakgrunn av endringar som kommunesamanslåing, oppseiing frå ein av samarbeidskommunane, behov for å vurdere økonomisk fordeling og om legevakta oppfyll krava til å vere medisinsk forsvarleg vart det vurdert som formålstenleg å seie opp avtalen frå 2013.

#### Saksopplysningar

Avtale om administrativt vertskommunesamarbeid om Nordhordland legevakt vart sagt opp i desember 2021, med mål om å inngå ny avtale i 2022. Legevaktsjef, tenesteleiar for legetenesta og rehabilitering, kommunalsjef helse og omsorg og kommunedirektør har i samarbeid utarbeid forslag til avtale. Kommunedirektøren i Alver har hatt ein prosess med kommunedirektørar/rådmenn i samarbeidskommunane for å kome fram til ei avtale som ein administrativt er einige om. Dette arbeidet var sluttført i eit felles møte mellom kommunedirektørar/rådmenn 1. sept 2023.

## **Vurdering**

Tilbodet frå Nordhordland legevakt til kommunane stettar det som til ein kvar tid er lovkrav og tilrådingar til tenesta. Den interne organiseringa er endra som følge av at ØHD-tilbodet på Helsehuset er flytta ut i kvar enkelt kommune. Bemanningsplanen følgjer sentrale anbefalingar til lege og sjukepleiarbemanning. Innhaldet i avtalen følgjer krav i lova for avtale om administrativt vertskommunesamarbeid.

I kapittel 8 i avtalen er «rapportering og informasjon» omtala. Det vert lagt opp til at ordførarane vert orientert ein gong i året om Nordhordland legevakt. Avtalen legg opp til at dette skjer i samband med eit av møta i regionrådet.

For samarbeidskommunane var det viktig å få på plass tydelegare styrings- og rapporteringsrutinar. Det er difor utarbeidd ein administrativ og fagleg samarbeidsavtale. Denne ligg ved saka til orientering. Denne er utarbeidd av kommunedirektørane/rådmennene i samarbeidet.

Det vert lagt opp til at dagens administrative nemnd bestående av kommunalsjefar vert lagt ned. I staden vert Nordhordland legevakt tema på to fellesmøte i året mellom kommunalsjefar og kommuneoverlegar etter kap. 7 i avtala.

Det er også lagt inn i avtalen at det skal vere eit årleg møte mellom vertskommunen og kvar enkelt av samarbeidskommunane. Dette er ei ny ordning. Kommunedirektøren i vertskommunen skal i staden etter kap. 6 i «Administrativ og fagleg samarbeidsavtale» rapportere til dei andre kommunedirektørane/rådmennene:

### **«6. Rutinar for administrativ rapportering**

Rådmenn/kommunedirektørar i vertskommunen og samarbeidskommunane skal ha møte minimum tre gongar i året. Desse møta vert i utgangspunktet satt opp i samband med tertialrapportar, årsavslutning og budsjett. I desse møta skal minimum følgjande tema vere på dagsorden:

- Fagleg status legevakta
- Økonomi (løpande rapportering, årsrekneskap og budsjett)
- HMS og sjukefråvær
- Avvik
- Gjennomgang av Alver kommune sitt styrings- og rapporteringssystem (ein gong i året)
- Gjennomgang av politiske og administrative vedtak som gjeld legevakta/legevaktsentral.

Vertskommunen utarbeider ein kortfatta årsrapport.»

Kommunedirektørane/rådmennene i kommunane i samarbeidet er kome fram til at 22 % fastdel er eit rimeleg utgangspunkt for kostnadsfordelinga mellom kommunane framover. Frå ny avtaleperiode er det lagt inn kr 1,5 mill. i administrativt påslag til vertskommunen. Dette påslaget går inn i kostnadsfordelinga på vanleg måte.

## Konklusjon

Legevakta har variable kostnader og inntekter som er omtrent like store. Dette inneber at tal besøkande har lite å sei for totalkostnaden. Den største kostnadskomponenten er kostnader til leger og sjukepleiarar i vakt. Denne bemanninga er fast og Nordhordland legevakt føl nasjonale anbefalingar for ein legevakt med vårt befolkningsgrunnlag (Ca. 45 000 innb.). Alle kommunar har både økonomisk og faglege fordelar av samarbeidet. Dei minste kommunane har størst prosentvis økonomisk fordel av samarbeidet, mens Alver kommune har fordel av at legevaktsamarbeidet er lokalisert til Knarvik. For Modalen sin del ville det vore særskilt kostbart og mykje dyrare å organisere døgnbemanna legevakt på eiga hand.

### Vedlagte saksdokument:

Vedl1 - administrativ og fagleg samarbeidsavtale knytt til vertskommunesamarbeid om legevakt og legevaktssentral	44932	04.10.2023
Vedl2 - avtale om administrativt vertskommunesamarbeid Nordhordland legevakt	44933	04.10.2023

### Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost